

Poneke, ka ahu ma Poihakena ki Tiapani, ki era whenua haere-ere ai. E haere ana a Wiriwhata ki te whakata, he ahua mate no tona tinana.

NGA UTU WUURU.—Ko te rongo mai o tawahi kei te ahua piki ake te utu o te wuuru. He maha hoki nga marama i kore ai he makete wuuru ki Ingarangi, i te raruraru o nga tangata mahi i nga waapu o reira. Ko te taonga tenei o te ao kei te heke haere he wuuru, i te heke iho ano o te kaute o nga hipi o te ao. Ko nga tangata ia kei te piki haere. Ko te tumanako tera kia mau tonu mai i runga nga utu o tenei taonga, kei konei nei tetahi huarahi nui o te orange ki nga tangata o Nui Tireni.

NGA UTU KARAREHE.—Kei te popoke te iwi pakeha ki te hipi, ki te reme i tenei takiwa o te tau. Kei te ahua hoki haere ake hoki te utu o te kau. He rongo pai ano hoki tenei. Ko te tau nei he tau nui te ua, ka nui te makuku o te whenua, a tera e nui te otaota hei kai me te kararehe.

NGA UTU PATA, TIHI.—Ko nga rongo mai o tawahi kei te pai te utu o te pata, o te tihi. Katahi ano ka rite te utu o te pata o Nui Tireni ki o Denmark i te marama ka taha nei. He pai kia pera tonu, ki te ki hoki a nga tohunga kaore i rereke atu nga pata o Denmark i o Nui Tireni nei, na te tawhiti mai pea o enei moutere i Ingarangi i rereke ai te utu o ona pata.

TE TURE WHAKAHAERE I NGA MAHI PATA.—I paa-hitia tenei ture e te Paremata, engari i kiia kaua e whaimana, me matua whakatau ra ano i runga i te tikanga pooti e te nuinga o nga tangata mahi miraka kau. Kei te whakahaerea e te Kawanatanga nga tikanga o taua pooti i naianei. ara, kei te hangaia nga rouru o nga tangata mahi miraka kau.

NGA KORERO MAORI O NEHERA.

I WAITOHUTIA i era putanga o te pepa nei, tera kei te whakahaerea he tikanga e nga Mema Maori, e te Minita Maori hoki mo tenei take. Ko tetahi o nga take nunui i uru ki te Ture Horoi i paahitia e te Paremata, ko te rarangi whakatu i tetahi Poari, hei whakahaere i nga huarahi, e taea ai te whakawhaiti nga korero Maori nehera o enei motu tae atu hoki ki nga moutere maha o Hawaiki. I whakamanaia hoki e taua rarangi kia ahei te Minita Maori ki te tono ki nga Poari Whenua Maori, ki te Kaitiaki Maori hoki, kia wehea mai i roto i nga moni itarete, i nga moni wiini ranei tetahi moni hei whakahaere i nga tikanga a te Poari.

Ko nga mema mo taua Poari kua whakaritea e nga rekurei-hana i hangaia i raro i te ture, koia enei:—

Ko te Minita Maori, hei Tiamana.

Ko te Hekeretari-raro o te Tari Maori, hei Teputi-Tiamana.
(Ko tena tuunga kei a Chief Judge Jones i tenei wa.)

Ko te Hekeretari-raro o te Tari Internal Affairs. (Ko tena tuunga kei a James Hislop, ko ia te upoko o te Museum